

Javna priznanja su:

- zlatna plaketa,
- srebrna plaketa.

Vrstu javnih priznanja ustanovit će Vijeće posebnom odlukom u skladu sa Pravilnikom o javnim priznanjima Općine.

XIII - JAVNOST RADA

Član 106.

Općina obezbjeđuje javnost rada u postupku donošenja odluka, uključivanjem javnosti, odnosno omogućavanjem građanima da neposredno učestvuju u postupku donošenja i odlučivanja, u skladu sa zakonom i ovim statutom.

Član 107.

Javnost rada Općina ostvaruje kroz otvorenost postupka realizacije općinskih propisa i akata, primjenu zakona i drugih propisa, te kroz upoznavanja javnosti sa njihovom primjenom.

Javnost se obezbjeđuje kroz slobodu pristupa informacijama i informisanja javnosti, objavljivanje izvještaja, budžeta i drugih sadržaja, putem sredstava javnog informisanja, vlastitog informacionog sistema, izdavanje informativnog biltena i druge oblike informisanja.

Član 108.

Općina će objaviti i na drugi način učiniti javno dostupnim svoje propise i akte.

Općina neće objaviti ili na drugi način učiniti javno dostupnim propise i akte čije bi objavljivanje bilo u suprotnosti sa zakonom, drugim propisima i aktima Vijeća, kao ni informacije koje uključuju lične interese koji se odnose na privatnost trećeg lica, osim ako je to opravdano javnim interesom.

XIV - DONOŠENJE I PROMJENE STATUTA

Član 109.

Statut Općine donosi Vijeće dvotrećinskom većinom ukupnog broja glasova izabranih vijećnika.

Član 110.

O promjeni ovog statuta odlučuje Vijeće.

Prijedlog za promjenu ovog statuta može podnijeti jedna trećina od ukupnog broja izabranih vijećnika Vijeća, općinski načelnik i Komisija za statut i propise Vijeća.

Prijedlog mora biti obrazložen, a podnosi se predsjedavajućem Vijeća u pismenoj formi.

Inicijativu za promjenu ovog statuta mogu dati građani putem mjernih zborova u formi građanske inicijative.

Član 111.

O prijedlogu za promjenu ovog statuta raspravlja se na sjednici Vijeća.

Vijeće može raspisati referendum za promjenu Statuta Općine.

Ako se ne prihvati prijedlog za promjenu Statuta, isti prijedlog ne može se ponovo staviti na dnevni red Vijeća prije isteka 6 mjeseci nakon što je rasprava o prijedlogu na Vijeću zaključena.

Prihvaćeni prijedlog za promjenu Statuta Općine dostavlja se svim vijećnicima Vijeća, mjesnim zajednicama, parlamentarnim strankama zastupljenim u Vijeću, udruženjima građana koja djeluju na području Općine kada raspravljaju iz svoje nadležnosti, radi vođenja javne rasprave o predloženim promjenama i davanja primjedbi i prijedloga.

Promjena Statuta Općine je usvojena ako je za promjenu glasalo dvije trećine ukupno izabranih vijećnika Vijeća.

Promjene Statuta Općine vrše se odlukom Vijeća,

Član 112.

Promjenom Statuta Općine ne može se ukinuti niti umanjiti ni jedno od ljudskih prava i sloboda utvrđenih ustavom i konvencijama.

XV - PRELAZNE I ZAVRŠNE ODREDBE

Član 113.

Pravila mjesne zajednice Vijeće će uskladiti sa ovim statutom u roku od 60 dana od dana stupanja na snagu ovog statuta.

Član 114.

Danom stupanja na snagu ovog statuta prestaje da važi Statut Općine Novo Sarajevo - prečišćeni tekst ("Službene novine Kantona Sarajevo", broj 1/01).

Član 115.

Ovaj statut stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-450/02
29. aprila 2002. godine
Sarajevo

Predsjedavajući Općinskog
vijeća Novo Sarajevo
Ibro Čomić, s. r.

OPĆINA STARI GRAD

Općinsko vijeće

Na osnovu člana 60. stav 6. Zakona o turističko-ugostiteljskoj djelatnosti ("Službene novine Federacije BiH", broj 19/96) i člana 25. Statuta Općine Stari grad Sarajevo ("Službene novine Kantona Sarajevo", br. 10/98 i 17/99), Općinsko vijeće Stari grad Sarajevo, na sjednici održanoj dana 26. aprila 2002. godine, donijelo je

PRAVILNIK

O MINIMALNIM TEHNIČKIM USLOVIMA UGOSTITELJSKIH OBJEKATA ZA PRUŽANJE JEDNOSTAVNIH UGOSTITELJSKIH USLUGA IZVAN POSLOVNIH PROSTORIJA I PROSTORA UGOSTITELJA NA PODRUČJU OPĆINE STARI GRAD SARAJEVO

I - OPĆE ODREDBE

Član 1.

Ovim pravilnikom utvrđuju se minimalni-tehnički uslovi koje trebaju ispunjavati ugostiteljski objekti u kojima se pružaju

jednostavne ugostiteljske usluge izvan poslovnih prostorija i prostora ugostitelja, vrsta ugostiteljskih objekata za pružanje jednostavnih ugostiteljskih usluga te način utvrđivanja minimalnih-tehničkih uslova poslovnih prostora u kojima se pružaju jednostavne ugostiteljske usluge.

Član 2.

Ugostiteljski objekat u smislu ovog pravilnika je ugostiteljska jedinica, koja u poslovnom i funkcionalnom pogledu zadovoljava minimalne uslove za pružanje jednostavnih ugostiteljskih usluga na otvorenom prostoru.

Član 3.

Jednostavnom ugostiteljskom uslugom, u smislu ovog pravilnika, smatra se pripremanje i usluživanje jela bez složenije kuhinjske pripreme, kao i usluživanje pića i napitaka.

Član 4.

Prostori, uredaji, oprema, posude i pribor za usluživanje korisnika jednostavnih usluga na otvorenom i izvan poslovnih prostorija ugostitelja moraju biti uredni, čisti i zdravstveno ispravni.

Član 5.

Osoblje koje pruža jednostavne ugostiteljske usluge na otvorenom i izvan poslovnih prostorija ugostitelja mora se prema korisniku usluga odnositi gostoljubivo, profesionalno i korektno,

te biti uredno, čisto i primjereno odjeveno i posjedovati sanitarnu knjižicu.

Vlasnici ljetnih bašta su dužni služiti sva pića - napitke koji se nalaze u cjenovniku.

II - VRSTE UGOSTITELJSKIH OBJEKATA

Član 6.

Vrsta ugostiteljskog objekta za pružanje jednostavnih ugostiteljskih usluga, u smislu ovog pravilnika, je ljetna bašta.

Ljetna bašta je ugostiteljski objekat:

1. lociran uz postojeći ugostiteljski objekat i neposredno u blizini ugostiteljskog objekta;
2. ljetna bašta na slobodnom urbanizovanom prostoru;
3. ljetna bašta na neurbanizovanom prostoru (vašari, izletišta).

Ljetna bašta locirana uz postojeći ugostiteljski objekat i neposredno u blizini ugostiteljskog objekta je ugostiteljski objekat u kojem se pružaju ugostiteljske usluge u skladu sa postojećim odobrenjem za rad u objektu.

Ljetna bašta na slobodnom urbanizovanom prostoru je ugostiteljski objekat u kojem se pripremaju i uslužuju pića, topli i hladni napici i sladoled u originalnom pakovanju (konzervator).

Ljetna bašta na neurbanizovanom prostoru (vašari, izletišta) je ugostiteljski objekat u kojem se pripremaju i uslužuju pića i napici, a mogu se pripremati i usluživati jela sa roštilja i pečenje.

Ugostiteljski objekti iz st. 1. i 2. ovog člana pružaju ugostiteljske usluge sezonski.

III - MINIMALNO TEHNIČKI USLOVI

Član 7.

U ugostiteljskim objektima za pružanje jednostavnih ugostiteljskih usluga koji su locirani na slobodnom urbanizovanom prostoru moraju biti obezbijeđeni sljedeći minimalno tehnički uslovi:

- priključak na javnu vodovodnu mrežu;
- osiguran odvod otpadnih voda povezan sa javnom kanalizacionom mrežom;
- osiguran priključak na javnu elektro mrežu ili obezbijeđen drugi energetski izvor (agregat, generator i sl.);
- protočni bojler;
- rashladni uređaj za čuvanje pića;
- termički uređaj za pripremanje toplih napitaka;
- šank sa točionikom sa ugrađenim dvodjelnim sudoperom;
- posudu za smeće (korpa za otpatke);

- sredstvo protupožarne zaštite (aparati, protupožarna voda i sl.);
- garderoberni ormarić za zaposleno osoblje;
- osigurano korištenje toaleta u objektima koji se nalaze uz ljetnu baštu.

Član 8.

U ljetnim baštama koje su locirane na neurbanizovanom prostoru (vašari, izletišta) moraju biti ispunjeni sljedeći minimalno tehnički uslovi:

- rezervoar za higijenski ispravnu vodu;
- rezervoar odgovarajućeg kvaliteta i kapaciteta za skupljanje otpadne vode;
- PVC posude za jednokratnu upotrebu;
- rashladni uređaj za piće;
- posuda za smeće.

Član 9.

Postupak kojim se utvrđuje da li su ispunjeni minimalno-tehnički uslovi u ugostiteljskim objektima u kojima se pružaju jednostavne ugostiteljske usluge, vrste ljetne baste, provodi Komisija imenovana od strane ministra privrede Kantona Sarajevo.

Član 10.

Ovaj pravilnik stupa na snagu danom objavljivanja u "Službenim novinama Kantona Sarajevo".

Broj 02-49-72/02 Predsjedavajući Općinskog
26. aprila 2002. godine vijeća Stari grad Sarajevo
Sarajevo mr. **Ismet Ovčina**, s. r.

Na osnovu člana 2.12 Izbornog zakona Bosne i Hercegovine ("Službeni glasnik BiH", broj 23/01) i člana 25. Statuta Općine Stari grad Sarajevo ("Službene novine Kantona Sarajevo" br. 10/98 i 17/99), Općinsko vijeće Stari grad Sarajevo, na sjednici održanoj 26. aprila 2002. godine, donijelo je

RJEŠENJE

O RAZRJEŠENJU PREDSEDNIKA OPĆINSKE IZBORNE KOMISIJE STARI GRAD SARAJEVO

1. JASMIN JAHJAEFENDIĆ, razrješava se dužnosti predsjednika Općinske izborne komisije Stari grad Sarajevo.

2. Ovo rješenje stupa na snagu danom donošenja i bit će objavljeno u "Službenim novinama Kantona Sarajevo".

Broj 02-49-75/02 Predsjedavajući Općinskog
26. aprila 2002. godine vijeća Stari grad Sarajevo
Sarajevo mr. **Ismet Ovčina**, s. r.

OPĆINA TRNOVO

ODLUKU

O IZMJENAMA I DOPUNAMA ODLUKE O ORGANIZOVANJU JEDINSTVENOG OPĆINSKOG ORGANA UPRAVE OPĆINE TRNOVO

Član 1.

U Odluci o organizovanju Jedinog općinskog organa uprave Općine Trnovo ("Službene novine Kantona Sarajevo", broj 01/02), član 3. mijenja se i glasi:

"Član 3.

Jedinstveni općinski organ uprave čini:

Općinski načelnik sa sljedećim službama za upravu:

- Služba za privredu, finansije, društvene djelatnosti, opću upravu, boračku, dječiju i socijalnu zaštitu;
- Služba za prostorno uređenje, okoliš, stambeno-komunalne, geodetske, imovinsko-pravne poslove i katastar nekretnina.

Posebne općinske službe:

- Općinski štab civilne zaštite."

Općinsko vijeće

Na osnovu čl. 4. i 54. Zakona o upravi u Federaciji Bosne i Hercegovine ("Službene novine Federacije BiH", broj 28/97), čl. 9. i 31. Zakona o lokalnoj samoupravi ("Službene novine Kantona Sarajevo", broj 19/97), Zakona o lokalnoj samoupravi ("Službene novine Kantona Sarajevo", broj 22/00 - prečišćeni tekst), Uredbe o općim načelima unutrašnje organizacije kantonalne uprave - prečišćen tekst ("Službene novine Kantona Sarajevo", broj 01/02) i člana 29. Statuta Općine Trnovo ("Službene novine Kantona Sarajevo", br. 23/97 i 17/98), Općinsko vijeće Trnovo, na prijedlog općinskog načelnika, na sjednici održanoj 15. maja 2002. godine, donijelo je